

नमो नमो निम्मलदंसणस्स  
पूज्य आनंद-क्षमा-ललित-सुशील-सुधर्मसागर गुरुभ्यो नमः

# On Line – आगममंजूषा

## [९] अनुत्तरोववाइयदसाओ

\* संकलन एवं प्रस्तुतकर्ता \*

**मुनि दीपरत्नसागर** [M.Com., M.Ed., Ph.D.]

## ॥ किञ्चित् प्रास्ताविकम् ॥

ये आगम-मंजूषा का संपादन आजसे ७० वर्ष पूर्व अर्थात् वीर संवत् २४६८, विक्रम संवत्-१९९८, ई.स.1942 के दौरान हुआ था, जिनका संपादन पूज्य आगमोद्धारक आचार्यश्री [आनंदसागरसूरिजी](#) म.सा.ने किया था। आज तक उन्ही के प्रस्थापित-मार्ग की रोशनी में सब अपनी-अपनी दिशाएँ ढूँढते आगे बढ़ रहे हैं।

हम ७० साल के बाद आज ई.स.-2012, विक्रम संवत्-२०६८, वीर संवत्-२५३८ में वो ही आगम-मंजूषा को कुछ उपयोगी परिवर्तनों के साथ इंटरनेट के माध्यम से सर्वथा सर्वप्रथम “**OnLine-आगममंजूषा**” नाम से प्रस्तुत कर रहे हैं।


### \* मूल आगम-मंजूषा के संपादन की किञ्चित् भिन्नता का स्वीकार \*

- [१] आवश्यक सूत्र-(आगम-४०) में केवल मूल सूत्र नहीं है, मूल सूत्रों के साथ निर्युक्ति भी सामिल की गई है।  
[२] जीतकल्प सूत्र-(आगम-३८) में भी केवल मूल सूत्र नहीं है, मूलसूत्रों के साथ भाष्य भी सामिल किया है।  
[३] जीतकल्प सूत्र-(आगम-३८) का वैकल्पिक सूत्र जो “पंचकल्प” है, उनके भाष्य को यहाँ सामिल किया गया है।

[४] “ओघनिर्युक्ति”-(आगम-४१) के वैकल्पिक आगम “पिंडनिर्युक्ति” को यहाँ समाविष्ट तो किया है, लेकिन उनका मुद्रण-स्थान बदल गया है।

[५] “कल्प(बारसा)सूत्र” को भी मूल आगममंजूषा में सामिल किया गया है।

**-मुनि दीपरत्नसागर**

: Address:- <b>Mnui Deepratnasagar,</b> <b>MangalDeep society, Opp.DholeswarMandir,</b> <b>POST:- THANGADH Dist.surendranagar.</b> <b>Mobile:-9825967397</b> <a href="mailto:jainmunideepratnasagar@gmail.com">jainmunideepratnasagar@gmail.com</a>	<b>मुनि दीपरत्नसागर</b>  <small>जैनमुनिश्री दीपरत्नसागर</small>
---	--

### ॐ श्रीअनुत्तरोपपातिकदशाङ्गम्-

तेणं कालेणं० रायगिहे नगरे अजसुहम्मस्स समोसरणं परिसा णिग्गया जाव जंबू पज्जुवासति० एवं व०-जति णं भंते ! समणेणं जाव संप-  
त्तेणं अट्टमस्स अंगस्स अंतगडदसाणं अयमट्टे पं० नवमस्स णं भंते ! अंगस्स अणुत्तरोववाइयदसाणं जाव संपत्तेणं के अट्टे पं० ?, तए णं  
से सुधम्मि अणगारे जंबू अणगारं एवं व०-एवं खलु जंबू ! समणेणं जाव संपत्तेणं नवमस्स अंगस्स अणुत्तरोववाइयदसाणं तिण्णि वग्गा पं०, जति णं भंते ! समणेणं जाव संपत्तेणं  
नवमस्स अंगस्स अणुत्तरोववाइयदसाणं ततो वग्गा पं० पढमस्स णं भंते ! वग्गस्स अणुत्तरोववाइयदसाणं ( प्र० समणेणं जाव संपत्तेणं ) कइ अज्झयणा पं० ?, एवं खलु  
जंबू ! समणेणं जाव संपत्तेणं अणुत्तरोववाइयदसाणं पढमस्स वग्गस्स दस अज्झयणा पं० तं०-जालि मयालि उवयालि पुरिससेणे य वारिसेणे य दीहदंते य लट्टदंते य वेहल्ले  
वेहासे अभयेति य कुमारे । जइ णं भंते ! समणेणं जाव संपत्तेणं अणु० पढमस्स वग्गस्स दस अज्झयणा पं० पढमस्स णं भंते ! अज्झयणस्स अणुत्तरोव० समणेणं जाव संप-  
त्तेणं के अट्टे पं०?, एवं खलु जंबू ! तेणं कालेणं० रायगिहे नगरे रिद्धत्थिमियसमिद्धे गुणसिलए चेतिते सेणिए राया धारिणी देवी सीहो सुमिणे जालीकुमारो जहा मेहो अट्टट्टओ दाओ  
जाव उप्पि पासा० विहरति, सामी समोसडे सेणिओ णिग्गओ जहा मेहो तहा जालीवि णिग्गतो तहेव णिक्खंतो जहा मेहो, एक्कारस अंगाइं अहिज्जति गुणरयणं तवोकम्मं, एवं जा  
चेव खंदगवत्तव्वया सा चेव चिंतणा आपुच्छणा थेरेहिं सद्धिं विपुलं तहेव दुरूहति, नवरं सोलस वासाइं सामन्नपरियागं पाउणित्ता कालमासे कालं किच्चा उड्ढं चंदिमसोहम्मीसाण-  
जावआरणच्चुए कप्पे नव य गेवेजे विमाणपत्थडे उड्ढं दूरं वीतीवत्तित्ता विजयविमाणे देवत्ताए उववण्णे, तते णं ते थेरा भग० जालिं अणगारं कालगयं जाणेत्ता परिनिव्वाणवत्तियं  
काउस्सग्गं करंति त्ता पत्तचीवराइं गेण्हंति तहेव ओयरंति जाव इमे से आयारभंडए, भंते!त्ति भगवं गोयमे जाव एवं व०-एवं खलु देवाणुप्पियाणं अंतेवासी जालिनामं अणगारे पग-  
तिभइए० से णं जाली अणगारे काल० कहिं गते कहिं उववन्ने ?, एवं खलु गोयमा ! ममं अंतेवासी तहेव जधा खंदयस्स जाव काल० उड्ढं चंदिम जाव विमाणे देवत्ताए उववण्णे,  
जालिस्स णं भंते ! देवस्स केवत्तियं कालं ठिती पं० ?, गोयमा ! बत्तीसं सागरोवमाइं ठिती पं०, से णं भंते ! ताओ देवलोयाओ आउक्खएणं० कहिं गच्छिहिति० ?, गोयमा ! महा-  
विदेहे वासे सिज्झिहिति०, ता एवं जंबू ! समणेणं जाव संपत्तेणं अणुत्तरोववाइयदसाणं पढमवग्गस्स पढमज्झयणस्स अयमट्टे पं०, अ० १ । एवं सेसाणवि अट्टण्हं भाणियव्वं, नवरं सत्त  
धारणिसुआ वेहल्लवेहासा चेत्तणाए, आइल्लाणं पंचण्हं सोलस वासातिं सामन्नपरियातो तिण्हं बारस वासातिं दोण्हं पंच वासातिं, आइल्लाणं पंचण्हं आणुपुब्बीए उववायो विजये वेजयंते  
जयंते अपराजिते सब्बट्टसिद्धे, दीहदंते सब्बट्टसिद्धे, उक्कमेणं सेसा, अभओ विजए, सेसं जहा पढमे, अभयस्स णाणत्तं, रायगिहे नगरे सेणिए राया नंदा देवी माया सेसं तहेव, एवं खलु  
जंबू ! समणेणं जाव संपत्तेणं अणुत्तरोववाइयदसाणं पढमस्स वग्गस्स अयमट्टे पं० । १ ॥ वग्गो० १ ॥ जति णं भंते ! समणेणं जाव संपत्तेणं अणुत्तरोववाइयदसाणं पढमस्स वग्गस्स  
अयमट्टे पं० दोच्चस्स णं भंते ! वग्गस्स अणुत्तरोववाइयदसाणं समणेणं जाव संपत्तेणं के अट्टे पं०?, एवं खलु जंबू ! समणेणं जाव संपत्तेणं दोच्चस्स वग्गस्स अणुत्तरोववाइयदसाणं तेरस

अज्झयणा पं० तं०-दीहसेणे महासेणे लट्टदंते य गूढदंते य सुद्धदंते हल्ले दुमे दुमसेणे महादुमसेणे य आहिते सीहे य सीहसेणे य महासीहसेणे य पुन्नसेणे य बोद्धवे तेरसमे होंति अज्झयणे । जति णं भंते ! समणेणं जाव संपत्तेणं अणुत्तरोववाइयदसाणं दोच्चस्स वग्गस्स तेरस अज्झयणा पं० दोच्चस्स णं भंते ! वग्गस्स पढमज्झयणस्स सम० जाव सं० के अट्टे पं० ?, एवं खलु जंबू ! तेणं कालेणं० रायगिहे णगरे गुणसिल्लते चेतिते सेणिए राया धारिणी देवी सीहो सुमिणे जहा जाली तहा जम्मं बालत्तणं कल्लातो नवरं दीहसेणे कुमारे सच्चैव वत्तव्वया जहा जालिस्स जाव अंतं काहिति, एवं तेरसवि रायगिहे सेणिओ पिता धारिणी माता तेरसण्हवि सोलसवासा परियातो, आणुपुव्वीए विजए दोन्नि वेजयंते दोन्नि जयंते दोन्नि अपरा-जिते दोन्नि, सेसा महादुमसेणमाती पंच सव्वट्टसिद्धे, एवं खलु जंबू ! समणेणं० अणुत्तरोववाइयदसाणं दोच्चस्स वग्गस्स अयमट्टे पं०, मासियाए संलेहणाए दोमुवि वग्गेषु । २ ॥ वग्गो २ ॥ जति णं भंते ! समणेणं जाव संपत्तेणं अणुत्तरो० दोच्चस्स वग्गस्स अयमट्टे पं० तच्चस्स णं भंते ! वग्गस्स अणुत्तरोववाइयदसाणं सम० जाव सं० के अट्टे पं० ?, एवं खलु जंबू ! समणेणं० अणुत्तरोववाइयदसाणं तच्चस्स वग्गस्स दस अज्झयणा पं० तं०-धण्णे य सुणक्खत्ते, इसिदासे अ आहिते । पेहए रामपुत्ते य, चंदिमा पिट्टिमाइया ॥ ? ॥ पेढालपुत्ते अण-गारे, नवमे पुट्टिलेइ य (प्र० पुट्टिले तहेवय) । वेहल्ले दसमे वुत्ते, एमेते दस आहिते ॥ २ ॥ जति णं भंते ! सम० जाव सं० अणुत्तरो० तच्चस्स वग्गस्स दस अज्झयणा पं० पढमस्स णं भंते ! अज्झयणस्स समणेणं जाव संपत्तेणं के अट्टे पं० ?, एवं खलु जंबू ! तेणं कालेणं० कागंदी णामं णगरी होत्था रिद्धत्थिमियसमिद्धा सहस्संबवणे उज्जाणे सव्वोदुए जिअमत्तू राया, तत्थ णं कागंदीए नगरीए भद्दा णामं सत्थवाही परिवसइ अट्टा जाव अपरिभूआ, तीसे णं भद्दाए सत्थवाहीए पुत्ते धन्ने नामं दारए होत्था अहीण जाव सुरूवे पंचधातीपरिग्गहिते तं०-खीरधाती जहा महब्बले जाव बावत्तरिं कल्लातो अहीए जाव अलंभोगसमत्थे जाते यावि होत्था, तते णं सा भद्दा सत्थवाही धन्ने दारयं उम्मक्कबालभावं जाव भोगसमत्थं वावि जाणेत्ता वत्तीसं पासायवडिंसते कारेति अब्भुग्गतमूसिते जाव तेसिं मज्झे भवणं अणेगखंभसयसन्नविट्टं जाव वत्तीसाए इब्भवरकन्नगाणं एगदिवसेणं पाणिं गेण्हावेति ता वत्तीसओ दाओ जाव उप्पिं पासाय० फुट्टेतेहिं जाव विहरति, तेणं कालेणं० समणे० समोसठे परिसा निग्गया राया जहा कोणितो तहा जियसत्तू णिग्गतो, तते णं तस्स धन्नस्स तं महता जहा जमाली तहा णिग्गतो, नवरं पायचारेणं जाव जं नवरं अम्मयं भदं सत्थवाहिं आपुच्छामि तते णं अहं देवाणुप्पियाणं अंतिते जाव पव्वयामि जाव जहा जमाली तहा आपुच्छइ मु-च्छिया वुत्तपडिवुत्तया जहा महब्बले जाव जाहे णो संचाएति जहा थावच्चा जियसत्तुं आपुच्छति छत्तचामरातो० सयमेव जियसत्तू णिक्खमणं करेति जहा थावच्चापुत्तस्स कण्हो जाव पव्वतिते० अणगारे जाते ईरियासमिते जाव बंभयारी, तते णं से धन्ने अणगारे जं चेव दिवसं मुंडे भवित्ता जाव पव्वतिते तं चेव दिवसं समणं भगवं महावीरं वंदति णमंसति ता एवं व०-इच्छामि णं भंते ! तुब्भेणं अब्भणुणाते समाणे जावजीवाए छट्टंछट्टेणं अणिक्खत्तेणं आयंबिलपरिग्गहिणं तवोकम्मेषं अप्पाणं भावेमाणे विहरेत्तते छट्टस्सविय णं पारणयंसि कप्पति मे आयंबिलं पडिग्गाहित्तते नो चेव णं अणायंबिलं तंपि य संसट्टं णो चेव णं असंसट्टं तंपि य णं उज्झियधम्मियं नो चेव णं अणुज्झियधम्मियं तंपि य जं अन्ने बहवे समणमाह-णअतिहिकिणवणीमगा णावकंखंति, अहासुहं देवाणुप्पिया ! मा पडिबंधं०, तते णं से धन्ने अणगारे समणेणं भगवता महावीरेण अब्भणुन्नाते समाणे हट्ट० जावजीवाए छट्टंछट्टेणं अणिक्खत्तेणं तवोकम्मेषं अप्पाणं भावेमाणे विहरति, तते णं से धण्णे अणगारे पढमछट्टक्खमणपारणगंसि पढमाए पोरसीए सज्झायं करेति जहा गोतमसामी तहेव आपुच्छति जाव जेणेव कायंदी णगरी तेणेव उवा० ता कायंदीणगरीए उच्च० जाव अडमाणे आयंबिलं जाव णावकंखंति, तते णं से धन्ने अणगारे ताए अब्भुज्जताए पयत्ताए पग्गहियाए एसणाए एसमाणे जति भत्तं लभति तो पाणं ण लभति अह पाणं तो भत्तं न लभति, तते णं से धन्ने अणगारे अदीणे अविमणे अकलुसे अविसादी अपरितंतजोगी जयणघट्टणजोगचरित्ते अहा-पज्जत्तं समुदाणं पडिगाहेति ता काकंदीओ णगरीतो पडिणिक्खमति जहा गोतमे जाव पडिदंसति, तते णं से धन्ने अणगारे समणेणं भग० अब्भणुन्नाते समाणे अमुच्छित्ते जाव अण-ज्झोववन्ने बिलमिव पण्णगभूतेणं अप्पाणेणं आहारं आहारेति ता संजमेणं तवसा० विहरति, समणे भगवं महावीरे अण्णया कयाई काकंदीए णगरीतो सहस्संबवणातो उज्जाणातो पडिणिक्खमति ता बहिया जणवयविहारं विहरति, तते णं से धन्ने अणगारे समणस्स भ० महावीरस्स तहारूवाणं थेराणं अंतिते सामाइयमाइयाइं एक्कारस अंगाइं अहिजति संजमेणं तवसा अप्पाणं भावेमाणे विहरति, तते णं से धन्ने अणगारे तेणं ओरालेणं जहा खंदतो जाव सुहुय० चिट्ठति, धन्नस्स णं अणगारस्स पादाणं अयमेयारूवे तवरूवलावन्ने होत्था, से जहा-णामते सुक्कछल्लीति वा कट्टपाउयाति वा जरग्गओवाहणाति वा एवामेव धन्नस्स अणगारस्स पाया सुक्का णिम्मंसा अट्टिचम्मछिरत्ताए पण्णायंति णो चेव णं मंससोणियत्ताए, धन्नस्स णं अणगारस्स पायंगुलियाणं अयमेयारूवे० से जहाणामते कलसंगलियाति वा मुग्गसंगलियाति वा तरुणिया छिन्ना उण्हे दिन्ना सुक्का समाणी मिलायमाणी २ चिट्ठति एवामेव

धन्नस्स पायंगुलियातो सुक्कातो जाव सोणियत्ताए, धन्नस्स जंधाणं अयमेयारूवे० से जहा० काकजंधाति वा कंकजंधाति ढेणियालियाजंधाति वा जाव णो सोणियत्ताए, धन्नस्स जाणूणं अयमेयारूवे० से जहा० कालिपोरेति वा मयूरपोरेति वा ढे(प्र० वे)णियालियापोरेति वा एवं जाव सोणियत्ताए, धणस्स उरुस्स० जहानामते सामकरेहेति वा बोरी(सोम पा०) करीहेति वा सल्लति० सामलि० तरुणिते उण्हे जाव चिट्ठति एवामेव धन्नस्स उरु जाव सोणियत्ताए, धन्नस्स कडिपत्त(ट्ट पा०)स्स इमेयारूवे० से जहा० उट्टपादेति वा जरग्गव-पादेति वा जाव सोणियत्ताए, धन्नस्स उदरभायणस्स इमे० से जहा० सुक्कादिएति वा भज्जणयकभहेति वा कट्ठकोलंबएति वा एवामेव उदरं सुक्कं, धन्न० पांसुलियकडयाणं इमे० से जहा० था(प्र० वा)सयावलीति वा पाणा(प्र० पीण)वलीति वा मुंडावलीति वा, धन्नस्स पिट्टिकरंडयाणं अयमेयारूवे० से जहा० कन्नावलीति वा गोलावलीति वा वट्टया(प्र० वता)-वलीति वा एवामेव० धन्नस्स उरकडयस्स अय०, से जहा० चित्तकट्ट(प्र० यह)रेति वा वियणपत्तेत्ति वा तालियंटपत्तेत्ति वा एवामेव०, धन्नस्स बाहाणं० से जहाणामते समिसंगलि-याति वा वाहायासंगलियाति वा अगत्थियसंगलियाति वा एवामेव०, धन्नस्स हत्थाणं० से जहा० सुक्कल्लगणियाति वा वडपत्तेत्ति वा पलासपत्तेत्ति वा एवामेव०, धन्नस्स हत्थंगुलि-याणं० से जहा० कलायसंगलियाति वा मुग्ग० मास० तरुणिया छिन्ना आयवे दिन्ना सुक्का समाणी एवामेव०, धन्नस्स गीवाए० से जहा० करगगीवाति वा कुंडियागीवाति वा उच्चट्ट-चणतेति वा एवामेव०, धन्नस्स णं हणुआए से जहा० लाउयफलेति वा हकुवफलेति वा अंबगतियाति वा एवामेव०, धन्नस्स उट्टाणं से जहा० सुक्कजलोयाति वा सिलेसगुलियाति वा अलत्तगुलियाति वा एवामेव०, धणस्स जिब्भाए० से जहा० वडपत्तेइ वा पलासपत्तेइ वा सागपत्तेत्ति वा एवामेव०, धन्नस्स नासाए० से जहा० अंबगपेसियाति वा अंबाडगपेसि-याति वा मातुलुंगपेसियाति वा तरुणिया एवामेव०, धन्नस्स अच्छीणं से जहा० वीणाछिड्ढेति वा वद्धीसगछिड्ढेति वा पाभातियतारिगाइ वा एवामेव०, धन्नस्स कण्णाणं० से जहा० मूलाछल्लियाति वा वालुंक० कारेल्लयच्छल्लियाति वा एवामेव०, धन्नस्स सीसस्स से जहा० तरुणगलाउएति वा तरुणगएलालुयत्ति वा सिण्हालएति वा तरुणए जाव चिट्ठति एवामेव०, धन्नस्स अणगारस्स सीसं सुक्कं लुक्खं णिम्मंसं अट्टिचम्मच्छिरत्ताए पन्नायति नो चेव णं मंससोणियत्ताए, एवं सव्वत्थ, णवरं उदरभायणकन्नजीहाउट्टा एएसिं अट्टी ण भन्नति चम्मच्छिरत्ताए पण्णायइत्ति भन्नति, धन्नेणं अणगारेणं सुक्केणं भुक्खेणं पातजंधोरुणा विगततडिकरालेणं कडिकडाहेणं पिट्टमवस्सिएणं उदरभायणेणं जोइज्जमाणेहिं पांसुलिकडएहिं अक्खसुत्तमालाति वा गणेज्जमाणेहिं पिट्टिकरंडगसंधीहिं गंगातरंगभूएणं उरकडगदेसभाएणं सुक्कसप्पसमाणाहिं बाहाहिं सिढिलकडालीविव चलंतेहि य अग्गहत्थेहिं कंपणवाति-ओविव वेवमाणीए सीसघडीए पद्दादवदणकमले उब्भडघडामुहे उब्बुड्ढणयणकोसे जीवंजीवेणं गच्छति जीवंजीवेणं चिट्ठति भासं भासिस्सामीति गिलाति० से जहाणामते इंगाल-सगडियाति वा जहा खंदओ तथा जाव हुयासणे इव भासरासिपलिच्छन्ने तवेणं तेएणं तवतेयसिरीए उवसोभेमाणे २ चिट्ठति । ३ । तेणं कालेणं० रायगिहे णगरे गुणसिलए चेतिते सेणिए राया, तेणं कालेणं० समणे भगवं महावीरे समोसढे परिसा णिग्गया सेणिते नि० धम्मक० परिसा पडिगया, तते णं से सेणिए राया समणस्स० अंतिए धम्मं सोच्चा निसम्म समणं भगवं महावीरं वंदति णमंसति ता एवं व०-इमासिं णं भंते ! इंदभूतिपामोक्खाणं चोदसण्हं समणसाहस्सीणं कतरे अणगारे महादुक्करकारए चेव महाणिज्जरतराए चेव ?, एवं खलु सेणिया ! इमासिं इंदभूतिपामोक्खाणं चोदसण्हं समणसाहस्सीणं धन्ने अणगारे महादुक्करकारए चेव महाणिज्जरतराए चेव, से केणट्टेणं भंते ! एवं वुच्चति इमासिं जाव साहस्सीणं धन्ने अणगारे महादुक्करकारए चेव महाणिज्जर० ?, एवं खलु सेणिया ! तेणं कालेणं० काकंदी नामं नगरी होत्था उप्पिं पासायवडिंसए विहरति, तते णं अहं अन्नया कदाती पुव्वाणुपुव्वीए चरमाणे गामाणुगामं दूत्तिज्जमाणे जेणेव काकंदी णगरी जेणेव सहस्संबवणे उज्जाणे तेणेव उवागते अहापडिरूवं उग्गहं० ता संजमे जाव विहरामि, परिसा णिग्गता, तहेव जाव पव्वइते जाव बिलमिव जाव आहारेति, धणस्स णं अणगारस्स पादाणं सरीरवन्नओ सव्वो जाव उवसोभेमाणे २ चिट्ठति, से तेणट्टेणं सेणिया ! एवं वुच्चति-इमासिं चउदसण्हं० साहस्सीणं धण्णे अणगारे महादुक्करकारए महानिज्जरतराए चेव, तते णं से सेणिए राया समणस्स भगवतो महावीरस्स अंतिए एयमट्टं सोच्चा णिसम्म हट्टतुट्ट० समणं भगवं महावीरं तिक्खुत्तो आया-हिणपयाहिणं करेति ता वंदति नमंसति ता जेणेव धन्ने अणगारे तेणेव उवागच्छति ता धन्नं अणगारं तिक्खुत्तो आयाहिणपयाहिणं करेति ता वंदति णमंसति ता एवं व०-धण्णे सि णं तुमं देवाणु० ! सुपुण्णे सुकयत्थे कयलक्खणे सुलद्धे णं देवाणुप्पिया ! तव माणुस्सए जम्मजीवियफलेत्तिकट्टु वंदति णमंसति ता जेणेव समणे० तेणेव उवागच्छति ता समणं भगवं महावीरं तिक्खुत्तो वंदति णमंसति ता जामेव दिसिं पाउब्भूते तामेव दिसिं पडिगए । ४ । तए णं तस्स धणस्स अणगारस्स अन्नया कयाई पुव्वरत्तावरत्तकाले धम्मजागरियं० इमेयारूवे अब्भत्थिते० एवं खलु अहं इमेणं ओरालेणं जहा खंदओ तहेव चिंता आपुच्छणं थेरेहिं सद्धिं विउलं दुरूहंति मासिया संलेहणा नवमासपरियातो जाव कालमासे कालं किच्चा उड्ढं चंदिम जाव णव य गेक्खिज्जविमाणपत्थडे उड्ढं दूरं वीतीवत्तित्ता सव्वट्ठसिद्धे विमाणे देवत्ताए उववन्ने, थेरा तहेव ओयरंति जाव इमे से आयारभंडए, भंते!त्ति (१२९)

भगवं गोतमे तहेव पुच्छति जहा खंदयस्स भगवं वागरेति जाव सब्बट्ठसिद्धे विमाणे उववण्णे० धण्णस्स णं भंते ! देवस्स केवतियं कालं ठिती पं० ?, गोतमा ! तेत्तीसं सागरोवमाइं  
 ठिती पं०, से णं भंते ! ततो देवलोगाओ कहिं गच्छिहिति कहिं उववज्जिहिति ?, गोयमा ! महाविदेहे वासे सिज्झिहिति०। तएवं खलु जंबू ! समणेणं जाव संपत्तेणं० पढमस्स अज्झय-  
 णस्स अयमट्ठे पं०। ५॥ अ० १॥ जति णं भंते !० एवं खलु जंबू ! तेणं कालेणं० कागंदीए णगरीए भदाणामं सत्थवाही परिवसति अड्ढा०, तीसे णं भदाए सत्थवाहीए पुत्ते सुणक्खत्ते णामं  
 दारए होत्था अहीण० जाव सुरूवे पंचधातिपरिक्खत्ते जहा धण्णो तहा बत्तीसओ दाओ जाव उप्पिं पासायवडेंसए विहरति, तेणं कालेणं० समोसरणं जहा धन्नो तहा सुणक्खत्तेऽवि  
 णिग्गते जहा थावच्चापुत्तस्स तहा णिक्खमणं जाव अणगारे जाते ईरियासमिते जाव बंभयारी, तते णं से सुणक्खत्ते अणगारे जं चेव दिवसं समणस्स भगवतो म० अंतिते मुंडे जाव  
 पव्वतिते तं चेव दिवसं अभिग्गहं तहेव जाव बिलमिव आहारेति, संजमेणं जाव विहरति० बहिया जणवयविहारं विहरति, एक्कारस अंगाइं अहिज्जति संजमेणं तवसा अप्पाणं भावेमाणे  
 विहरति, तते णं से सुण० ओरालेणं जहा खंदतो, तेणं कालेणं० रायगिहे णगरे गुणसिलए चेतिए सेणिए राया सामी समोसडे परिसा णिग्गता राया णिग्गतो धम्मकहा राया पडिगओ  
 परिसा पडिगता, तते णं तस्स सुणक्खत्तस्स अन्नया कयाति पुब्बरत्तावरत्तकालसमयंसि धम्मजा० जहा खंदयस्स बहू वासा परियातो गोतमपुच्छा तहेव कहेति जाव सब्बट्ठसिद्धे विमाणे  
 देवे उववण्णे तेत्तीसं सागरोवमाइं ठिती पं०, से णं भंते० ! महाविदेहे सिज्झिहिति, एवं सुणक्खत्तगमेणं सेसावि अट्ट भाणियद्धा, णवरं आणुपुब्बीए दोन्नि रायगिहे दोन्नि साएए दोन्नि  
 वाणियग्गामे नवमो हत्थिणपुरे दसमो रायगिहे, नवण्हं भदाओ जणणीओ नवण्हवि बत्तीसओ दाओ नवण्हं निक्खमणं थावच्चापुत्तस्स सरिसं वेहल्लस्स पिया करेति छम्मासा वेहल्लते  
 नव धण्णे सेसाणं बहू वासा मासं संलेहणा सब्बट्ठसिद्धे पुब्बमहाविदेहे सिज्झणा०। एवं खलु जंबू ! समणेणं भगवता महावीरेणं आइगरेणं तित्थगरेणं सयं( प्र० सह )संबुद्धेणं लोगनाहेणं  
 लोगप्पदीवेणं लोगपज्जोयगरेणं अभयदएणं सरणदएणं चक्खुदएणं मग्गदएणं धम्मदएणं धम्मदेसएणं धम्मवरचाउरंतचक्कवट्टिणा अप्पडिहयवरणाणदंसणधरेणं जिणेणं जाणएणं  
 बुद्धेणं बोहएणं मोक्केणं मोयएणं तिन्नेणं तारयेणं सिवमयलमरुयमणंतमक्खयमव्वाबाहमपुणरावत्तयं सिद्धिगतिनामधेयं ठाणं संपत्तेणं अणुत्तरोववाइयदसाणं तच्चस्स वग्गस्स अय-  
 मट्ठे पन्नत्ते । ६॥ अणुत्तरोववाइयदसातो समत्तातो ॥ नवममंगं समत्तं ॥ अणुत्तरोववाइयदसाणं एक्को सुतक्खंधो तिण्णि वग्गा तिसु दिवसेसु उद्दिस्संति, तत्थ पढमवग्गे दसुद्देसगा  
 बितीयवग्गे तेरस उद्देसगा ततियवग्गे दस उद्देसगा सेसं जहा धम्मकहाणं तहा नेतव्वं। इत्युत्कीर्णं नवमाइगं श्रीवर्द्धमानजैनागममन्दिरे वीरात् २४६८ वैशाखकृष्णतृतीयायाम् ॥